

ՌՈՒՍ ՄԵԾ ԳՐՈՂ ԳՈԳՈԼԸ

Հրացավ ոռւս մեծ գրող Նիկոլայ Վասիլևիչ Գոգոլի մահվան հարյուր տարին, ինչպես Պուշկինը ոռւս պոեզիայի, այնպես էլ Գոգոլը ոռւս արձակի հայրն է, 19-րդ դարի համաշխարհային գրականության մեջ ամենաառաջնակարգ տեղ բռնող ոռւս վիթխարի գրականության առաջատար ժանրի՝ գեղարվեստական արձակ գրականության հիմնադիրը: Չերնիշևսկին 1855 թվականին գրում էր, որ «Գոգոլյան ուղղությունը մինչ այժմ մնում է մեր գրականության միակ ուժեղ ու բեղմնավոր ուղղությունը. մեր գրականության մեջ մինչ այժմ շարունակվում է գոգոլյան պերիոդը... և մենք չգիտենք, շուտով արդյոք հնարավորություն կունենանք ասել «ոռւս գրականության համար սկսվեց նոր ժամանակաշրջան»: Անկասկած, Չերնիշևսկին միանգամայն իրավացի էր: Համաշխարհային առումով առաջինը ոռւս գրականության մեջ էր, որ քննադատական ռեալիզմը հանձինս Պուշկինի, Գրիբոեդովի, Լերմոնտովի և, մանավանդ, Բոգոլի ստեղծագործությունների հասարակականորեն ճանաչված տիրապետող գրական ուղղությունը դարձավ, տալով Օստրովսկու, Սալտիկով-Շչեդրինի, Տոլստոյի և Չեխովի նման վիթխարի մեծություններ: Իրոք, գոգոլյան քննադատական ռեալիզմի պերիոդը շարունակվեց՝ մինչև որ ոռւս գրականության մեջ մեծ Գորկին սկզբնավորեց մի նոր ժամանակաշրջան, սոցիալիստական ռեալիզմի ժամանակաշրջանը, սոցիալիստական ռեալիզմի, որը պահպանելով իր մեջ՝ զարգացրեց և հարստացրեց Բոգոլի ստեղծագործության լավագույն տրագիգիաները:

Չունենալով նախորդ՝ ոչ ոռւսական և ոչ էլ օտար գրականությունների մեջ, բովանդակության և ձևի ինքնատիպությամբ արտակարգ իր այնպիսի փայլուն ստեղծագործություններով, ինչպիսիք են՝ «Երեկոներ Դիկանկայի մոտ՝ խուտորում», «Վաղեմի կալվածատերերը», «Տարաս Բուլբա», «Գրիբ», «Պորտրետ», «Շինել», «Ռեկվոր», «Ամուսնություն», «Մեռած հոգիներ» և այլն, Գոգոլը մեծ ավանդ մտցրեց ամբողջ մարդկության գեղարվեստական կուլտուրայի մեջ և առաջ տարավ այն: Բոգոլի ստեղծագործության մեջ իր ամենախորունկ և լայն արտացոլումը գտավ ժամանակի ոռւս կյանքը իր ամբողջ նրբերանգներով՝ սոցիալական պայքարի ուժգին զարգացման պրոցեսի մեջ:

«Մեռած հոգիներ» վեպի առաջին հատորի վերջում՝ իր սքանչելի լիրիկական շեղմամբ օգտագործելով սլացող թռչուն-տրոյկայի պատկերը, հեղինակը բացագանչում է. «Արդյոք այդպես, չես նաև դու, Ռուսիա, որ իբրև ժիր, առաջը չկարվող տրոյկա՝ սլանում ես: Ծխով ծխում է քո տակ ճանապարհը, որոտում են կամուրջները, ամեն ինչ ետ է մնում և մնում ետևում... կայծակ չէ՞ արդյոք սա երկնքից նետված... Էխ նժույգներ, նժույգներ, ինչ նժույգներ են: Մրրիկներ են արդյոք նստած ձեր բաշերում... Ռուսիա, ուր ես սլանում, տուր պատասխան: Ձի տալիս պատաս-

խանձ: Գոգոլի համաշխարհային նշանակությունը, նրա ստեղծագործությունների գեղարվեստական մեծությունը պայմանավորող կողմերից է հատկապես այն, որ չնայած նա չստացավ պատասխան, թե դեպի ուր է գնում Ռուսաստանը, բայց հանճարեղ մարդու խորաթափանց հայացքով տեսավ իր հայրենիքի, ռուս մեծ ժողովրդի ներսում կուտակված տխրանական ուժերը, նրա ազգային բնավորության նշանավոր գծերը, որոնք նրան մըղում էին դեպի առաջ, դեպի հոյակապ ապագան:

Ջեղմ հայրենասիրությունը, ժողովրդական հումանիզմը և դեպի ժողովրդի ուժերը ունեցած հավատքը՝ Տարաս Բուլբայի բողոքական անմահ կերպարը կերտողին՝ Գոգոլին, մղեցին Նիկոլայևյան ռեալիզմի և կալվածատիրական ու ճորտատիրական հետադիմական կարգերի համարձակ սատիրական քննադատությանը, ճորտատերերի ու ցարական բյուրոկրատիայի ամեն տեսակ խժոժությունների անողոք մերկացմանը: Երբ լույս տեսավ «Մեռած հոգիներին» 1-ին հատորը, այդ առթիվ հանճարեղ Բելինսկին գրեց. «Որպես կայծակի թարմացուցիչ փայլատակումը տանջալի և նեխացնող հեղձկության ու երաշտի պահին, երևան է գալիս զուտ ռուսական, ազգային, ժողովրդական կյանքի գաղտնարանից դուրս պոկված մի երկ, որն այնքան ճշմարիտ է, որքան և հայրենասիրական, որն անողոքորար պոկում է իրականության քողը և կրքոտ ներվային արենակցական սիրո շունչ ունի՝ ռուսական կյանքի բեղմնավոր հատիկի նկատմամբ, մի երկ, որ անսահման գեղարվեստական է իր կոնցեպցիայով և կատարմամբ, գործող անձանց բնավորություններով և ռուսական կենցաղի մանրամասնությամբ և միևնույն ժամանակ խորը իր մտքերով...»:

Գոգոլը, որը տարիների ընթացքում չտեսնված խստապահանջությամբ հղկում էր իր երկերը, առանձնապես ցնցող-գեղարվեստական արդյունքների հասավ գործող անձանց բնավորություններ, մարդկային տիպեր կերտելու բնագավառում: Նրա գործերի բազմաթիվ հերոսների անունները դարձան հասարակ անուններ և կենդանի կերպով մնացին ընթերցող մասսաների հիշողության մեջ: Կարելի է թվել նման տիպերի մի երկար շարք, ինչպես, օրինակ՝ Իվան Իվանովիչ և Իվան Նիկիֆորովիչ, Ակակի Ակակիևիչ, Լյապկին-Տյուպկին, Դորչինսկի և Բորչինսկի, Դերժնովորտ, Խլեստակով, Մանիլով, Սորակևիչ, Նոզդրյով, Պլյուշկին, Պարզապես հաճելի տիկինը, Ամեն կողմերով հաճելի տիկինը, Կարոբոշկան և այլն և այլն: Առանց այլևայլության պետք է նշել, որ Գոգոլը համաշխարհային գրականության մեջ նմանը չունի կերտած տիպի սոցիալական ընդհանրացնող հոյակապ ամբողջությունը՝ ստեղծելու իմաստով, նկարագրությունների ամենափոքրիկ մանրամասներն անգամ՝ այդ ամբողջության հասնելու համար օգտագործելու իմաստով:

Բր հանճարեղ ստեղծագործություններով, իր ստեղծած սոցիալական տիպերով Գոգոլը ահագին ներգործություն ունեցավ ռուս հասարակական կյանքի վրա՝ հզորապես նպաստելով ցարիզմի և ճորտատիրական դաժան կարգերի դեմ ժողովրդի մղած համաշխարհային նշանակություն ունեցող պայքարին և առհասարակ ժողովրդի ինքնագիտակցության զարգացմանը: Ահա թե ինչու այնքան բարձր էին ցնահատում Գոգոլին ռուս՝ ռեոլուցիոն գեմոկրատները, Ահա թե ինչու նախամարքսյան էսթետիկայի ողջ

պատմության մեջ միայն նրանք մշակեցին քննադատական ռեալիզմի տեսությունը:

Թե որքան մեծ է Դոգոլի ստեղծագործության և կերտած տիպերի մնացուն գեղարվեստական արժեքը, կենսական ճշմարտությունը, աննախընթաց սատիրական մերկացնող ուժը, դա սքանչելի կերպով բացահայտված է Վ. Ի. Լենինի և Ի. Վ. Ստալինի աշխատությունների մեջ: Լենինը և Ստալինը խոշոր ռեալիստ շատ գրողների թվում՝ հաճախ նաև Գոգոլի կերպարներն են հիշատակել իրենց երկերում, նրանցով արտահայտված սուր երգիծանքի ուժը օգտագործելով ժողովրդին թշնամի ուժերին մերկացնելու և ջախջախելու գործում: Դոգոլի ստեղծագործությունը ստացել է շատ բարձր գնահատական Վ. Ի. Լենինի և Ի. Վ. Ստալինի կողմից: Քառասուն տարի առաջ Լենինը գրել է Բելինսկու և Գոգոլի գեմոկրատական իդեոսների տարածման կարևորության մասին: Ընկեր Ստալինը Գոգոլին անվանել է ռուս մեծ գրող:

Գոգոլի անունը վաղուց հռչակված է համաշխարհային գրականության մեջ: Նրա ազդեցությունը մեծ է արտասահմանյան բազմաթիվ գրողների վրա:

Մեծ է Գոգոլի ստեղծագործության նշանակությունը նաև հայ գրականության զարգացման պատմության մեջ: Նրանից սովորել և ներշնչվել են հայ արձակագիրներից և գրամատուրգներից շատերը՝ սկսած մեր նոր գրականության հիմնադիր Աբովյանից մինչև ժամանակակից սովետահայ արձակի նշանավոր գեմքերից մեկը՝ Դերենիկ Դեմիրճյանը: Անկախ այն հանգամանքից, որևիցե տեղ Աբովյանը հիշատակել է Դոգոլի անունը, թե ոչ, նրա ստեղծագործությունից երևում է, որ նա ծանոթ է եղել Գոգոլի գործերին և օգտագործել է նրա ստեղծագործական մեծ կուլտուրան: Արովյանի ու թմիկ արձակը, նրա լիրիկական հագեցվածությունն ու շեղումները, իրականության հարուստ ռեալիստական պատկերները, հետաքննացության և պահպանողական խավերի դեմ ուղղված սատիրան այդ են ապացուցում: Իսկ արդեն 50—60-ական թվականներին հայ մեծ ուսուցիչ-գեմոկրատ Նալբանդյանը, հետևելով ռուս ուսուցիչին գեմոկրատական քննադատությանը և նույնպես աչքի առաջ ունենալով Դոգոլի ստեղծագործությունը՝ մշակեց քննադատական ռեալիզմի տեսությունը և զարգացրեց ու խրախուսեց հայ գրականության մեջ քննադատական ռեալիզմը: Նալբանդյանը ամբողջ ուժով ծառացավ պահպանողականության արծարծած գրական ուսուցիչին հայացքների դեմ, որոնք հանգում էին այն բանին, որ գրողից պահանջվում էր, թե—

Զխռովելով մեր խիղճը,

Զաղմկելով մեր հոգին

Տուր մեզ տաղեր, վեպ, առակ,

Հաճոյացիր մեր սրտին.

Թող դատարկ բաներ լինեն

Մարդու վերք տալ չունենան,

Թեթև ու ծիծաղաշարժ,

Փորերս փուլթ չէ թող շարժ գան...

Այլ խոսքով՝ այստեղ Նալրանդյանը, ինչպես Բելինսկին, ամենայն վճռականությամբ և կրքով ծառանում է այն մարդկանց դեմ, որոնք ցավ էին զգում ու գանգատվում նրա համար, որ գրականությունը դադարում է իրականության մասին անամոթաբար ստելուց և նրա մեջ հանդես է գալիս քննադատական-ռեալիստական հոսանքը։ Նալրանդյանից հետո հայ առաջավոր գրողներ՝ Սունդուկյանը, Թումանյանը, Պոռչյանը և ուրիշները, ինչպես և սովետահայ արձակագիրները և դրամատուրգները, միշտ մեծագույն հիացմունքով են արտասանել Դոգոլի անունը և շատ րան են սովորել նրանից։

Ռուս գեղարվեստական խոսքի հանճարեղ վարպետ Գոգոլը անմահ է։ Նրա ստեղծագործությունները, որոնք հագեցված են ժողովրդայնությամբ, կենսասիրությամբ, հայրենասիրությամբ, ժողովրդական իմաստությամբ՝ հավերժ կապրեն աշխարհիս բոլոր ժողովուրդների մեջ։ Գոգոլյան սատիռան այսօր ուժեղ զենք է խաղաղասեր ժողովուրդների ձեռքում՝ աշխատավորության ու խաղաղության թշնամիների՝ իմպերիալիստական ամեն տեսակի խլեստակոֆների, նոգդրյոֆների և սորակեխների դեմ սլայքարելու գործում։

Մի դար է անցել Դոգոլի մահվան օրից, բայց ահա նրա գրական հեղինակությունը և հմայքը այսօր ավելի բարձր է ու մեծ, քան երբևիցե։ Ուղղաթիվյան համար ծավալվող շարժման գլուխ կանգնած սովետական ժողովուրդների հետ աշխարհիս բոլոր երկրների սլոգգրեսիվ հասարակայնությունը հարգում են Գոգոլի անմահ հիշատակը։

Հավերժ փառք ուս ազգային հանճար Դոգոլին։